

(<https://news.usm.my>).

Berita Mutakhir

03 OCT FATIN UNGGULI KEJOHANAN MEMANAH TERBUKA UNISZA



USM, PULAU PINANG, 3 Oktober 2017 - Atlet memanah wanita Universiti Sains Malaysia (USM) yang tidak asing lagi, Fatin Nur Fatehah Mat Salleh tampil bergaya apabila mengungguli kejohanan memanah terbuka UniSZA ke-5 yang berlangsung dari 26 September hingga 1 Oktober 2017 di UniSZA.

Beliau mengungguli acara kegemarannya iaitu compound dan berjaya mengenyepkan pencabar-pencabar dalam acara wanita compound, berpasukan compound dan campuran compound untuk menjadi juara.

Fatin juga baru-baru ini terpilih untuk mewakili negara ke Kejohanan Sukan Universiti Dunia (Universiade) 2017 yang berlangsung pada 19 hingga 30 Ogos 2017 di Taipei, Taiwan.

Fatin, 26, yang berasal dari Sabah merupakan penuntut dalam bidang Sarjana Sains Sukan di Pusat Pengajian Sains Perubatan telah banyak mengharumkan nama negara dalam sukan memanah di peringkat kebangsaan dan antarabangsa.

Sepanjang penglibatannya, Fatin telah memenangi beberapa kejohanan dunia iaitu Compound Wanita di Kejohanan Memanah Universiti Asia (1 emas), Kejohanan Memanah Piala Dunia 2015 (1 emas berpasukan), Kejohanan Memanah Piala Asia 2015 (1 perak berpasukan dan 1 gangsa individu), Kejohanan Memanah ASEAN 2015 (1 gangsa berpasukan), Sukan SEA ke-28 Singapura (3 emas untuk individu, berpasukan dan campuran).

Teks: Hafiz Meah Ghouse Meah



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015